

آبونه شرائطی

ممالك عثمانیه ده سنه لکی (۶۵)، الق
آیلقی (۳۵) غروشددر .

ممالك اجنبیه ده سنه لکی (۱۷)، الق
آیلقی (۹) فرانقندر .

اداره خانه

باب عالی جاده سنده دائرة مخصوصه

اضطرابات

آبونه بدلی پشتدر .

§

مملکه موافق آثار مع الممنونیه قبول
اولنور . درج ایدله بن یازیلر اعاده
اولونماز .

سازمان

۱۳۳۰

اضطرابات

رساله مزدن آلمدیغی کورمک شرطیه
بتون یازیلر هر هانکی بر خیزه طرفه دن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولونمسی لازمدر .

§

ممالك اجنبیه ایچون آبونه اولانلرک
آدرساریشک فرانسیزجه ده یازلمک و جا
اولنور .

§

پاره کوندرلدیکی، ان نه یه د تراولدیغیک
واضعا بیلدیلمسی و جا اولنور .

عظیم الشانی تصدیق و آنلره ایمان ایتدیکجه اهل کتابک مسلم و مؤمن اولامیه جقلری کوستریور؛ اهل کتابک بزم یا نمزده تورات ایله انجیل وار، بناء علیه بشقه کتابه احتیاجز یوقدر؛ دهرک قرآنه عدم اتباعلری استدلال ایتملرینک احتیاج باطل، تعلل کاذب دن بشقه بر شی اولدیغنی پک صریح بر صورتده ا کلامش اولیور. چونکه تورات ایله انجیلدن سوکره اونلره انزال بیوریلان شی آنجق قرآن در. بو حقیقت دها برچوق آیتلره ده ایضاح اولمش در. حقیقت بوندن عبارت ایکن طوتوبده آیتک یاریسنی اوقویه رق یاریسندن تعامی ایتک کتابک بعضیسنه ایمان ایدرک بعضیسنه کفر ایتکی امر ایتک دکلی در؟ حال بوکه بونی آنجق میسیونرلردن بشقه کیسه یاماز؛ بوکی حرکت، نماز قیلمسی اخطار ایدیلن بر کیسه نك «لاتقربوا الصلوة» جمله سی ایله استدلال ایدرک نمازک قرآنده ممنوع اولدیغنی ادعا ایتسنه، آلت طرفنی قرائت ایتکی تکلیف اولندیغنی حالده ده «بن مکة حافظی دکلم یا، اوراسنی ده سن اوقویو ویر!» دیسنه بکزه مزمی؟ بناء علیه بو آیت سزک علمکزه حجتدر.

کلم اوچنجی آیت کریمه یه: سز دیورسکزه: «ولیحکم...!» آیت کریمه سی الله متداول اولان انجیلک عند آمهیدن منزل اولدیغنه، حضرت پیغمبرده بعضاً آنک احکامیه عمل ایتدیکنه دلالت ایدر. حال بوکه بوقطعیاً طوغری دکلدرد؛ چونکه برکره قرآن کریمه کی انجیل دن مقصد نه اولدیغنی ایضاح ایتدک؛ بناء علیه ذهنکزه برلشدر. دیککر انجیلی او صورتله تصحیح ایتدکدن سوکره انجیله دائر هیچ سوز قالماز. الله متداول اولانلر صولده صفر قالیر. حضرت محمدکده احکام انجیل ایله بعضاً عمل ایتدیکنک بو آیت کریمه ده خبر ویرلدیکنه کلنجه: بوده صرف بر افترا در؛ میسیونرلرک اورتیه چیقاردقلری بر فکر در. اونار ایستیرلرک: کندی کتابلری خاطر وخیاله کله ین بر صورتده تحریف وافساد ایتدکلی کبی بزم کتابمزی ده افساد ایتسینلر! فقط شوراسنی خاطر دن چیقارماملی درکه قرآن کریم تحریف و تبدیل دن مصون در. «انانحن نزلنا الذکر وانا لله لحافظون»

بو آیت کریمه ده ایکی قرائت واردر: بریسی لامک کسریه «ولیحکم...» در، که ماقبلی اولان «وآیناه الانجیل» قول شریفنه متعلقدر. بویله اولنجه معنای آیت - الله اعلم - شویله اولور: بز حضرت عیسی یه انجیلی ویردک، که آنک اهلی، انجیلده اولان احکام ایله حکم ایتسونلر! حضرت عیسی نك اهلی ایسه بنی اسرائیل در. چونکه قرآن عظیم الشان دن مستفاد اولدیغنی اوزره عیسا بنی اسرائیله ارسال اولمش در.

دیگر قرائت ده لامک سکونیه در؛ اوزمان امر سابق حکایه ایدیور دیمک در. یعنی جناب حق بیوربورکه: بز عیسی یه انجیل ویردک وکندیسنی کوندردیکمز قومک اونکله عمل ایتلری ده امر ایتدک. آیت کریمه ده بشقه احتماللرده وارسده اونلری ذکر ایتک لازم دکلدرد. ظن ایدرسم ویریلن ایضاحات کافی در.

سقراط ایسه، «اللهک، انسان ایله آرسنده کی بعد مسافه دن طولانی عالمی، ارواح متوسطه ایله دولدوردوغنی، مذکور روحلرک انسانلری محافظه ایتک ایچون یار اولدیغنی، افراد ایله ملتره حوادث غیبی تلقین ایتدیکلری، روحک، جسدک خلقتدن مقدم موجود وجهه معارفه آگاه اولدیغنی، جسم انسانه حلل ایدنجه او معارفدن تجرد ایتدیکنی؛ متعاقباً، تدریجی بر صورتده شئون حیات ایله احتکاک ایده ایده اسکی ماهیتی اکتساب ایتدیکنی، علمک آنجق ماضی بی تخطردن، اولومکده روحک، دخول جسددن اولکی حالته رجوعندن عبارت بولوندوغنی، بو حالک یا نعیم ویا عذاب اولدیغنی سویلردی. بوندن باشقه هر روحک دیگر بر «روح محافظه» یه مالک اولدیغنی، بونک اصل روحه حیات دنیاده یارایه جق شیرلی وحی ایتدیکنی، انسانک حال حیاته ایکن روحلر ایله تکلم ایتسک امکا. تی «ده سرد ایتشدر. حتی بر روحک کندیسی ایله دائماً قونوشارق راه سعاده سوق ایتدیکنی و او روحک سنی ایتشدیکنی، امری یینه کتیردیکنی ایضاح ایتشدر.

خلاصه روحک موجودیتی وابدیتی عمومی بر عقیده در. برنجی فصلی بوراده بتره رک کله جک مقاله مزده یونان فیلسوفلرینک بقای روح حقنده کی مذهبلری و ابراز ایتدیکلری ادله بی شرح ایده جکر.

عمر رضا

القاهره:

مَقَالَتُ

مصاحبه

مسلمانان قیامتده کزه بر برنسانان میسیونری ایدر

۳

ایکنجی آیت کلنجه: بو هیچده یرنده دکلدرد؛ چونکه سز دیورسکزه: «یا اهل الکتاب...!» آیت کریمه سندن مستفاد اولدیغنی وجهه اهل کتابک تورات ایله انجیلی تصدیق واقامه ایتلری لازمدر؛ تورات و انجیلی تصدیق ایتدکدن سوکره بشقه بر شی لازم دکلدرد. حال بوکه آیت کریمه نك مابعدن غفلت ایدیورسکزه. بن اویله ظن ایدیورم که سز بوفکری مطلقاً میسیونرلرک نشریات مفسدانلرندن آلمش سکر، زیرا بو آیت کریمه بوقدر دکلدرد؛ آیتک مابعدی واردر. شمعی بن آیتی تکمیل ایده ییده اوزمان نصل معنا چیقعه جق باقیکر: «یا اهل الکاتب لستم علی شیء حتی تقيموا التوراة والانجیل وما انزل الیکم من ربکم ولیزیدن کثیراً منهم ما نزل الیک من ربک طغیاناً وکفرآ فلا تأس علی القوم الکافرین»

بو آیت کریمه الله متداول اولان تورات ایله انجیلک صحتی دکل، بلکه جناب حق طرفندن منزل اولان تورات، زبور، انجیل، قرآن

برده دردنجی آیتہ عطف نظر ایدم : دیورسکزرکه ، « یا ایها الذین آمنوا آمنوا .. ! » آیت کریمہ سی ، تورات ایلہ انجیلہ ؛ قرآنہ اولان ایمانلری کی ایمان ایتہ یں مسلمانلرک ضاللتده اولدقلری کوستریور . بنده دیورمکه : بو ادعا کزده اولکیلر کی یک واهی برشی در ؛ چونکه بز اویلہ اعتقاد ایدیورزکه : نیمیز حضرت محمد صلی الله علیه وسلم حق پیغمبر اولارق بعث بیسورولدی : پیغمبریمز ، بزه اللهک کوندرمش اولدیغی رسوللره ، کتابلره ایمان ایتہ مزی امر ایلدی . فقط او کتابلر ایلہ عمل ایتہ مزی تکلیف ایتہ دی . چونکه ایلزده هر تورلو تغییردن ، تحریف وتبذیلدن مصون اولان قرآن کریم کی بر کتاب الہی وار ایکن کتب سائردهن مستغنی اولاجمزه هیچ شبهه یوقدر .

مع هذا بو آیت کریمہ ایلہ کیملرک مخاطب اولدیغنده مفسرین عظام اختلاف ایتہ کدهدرلر . بعضلری دیورکه بو آیت ظاهرأ مؤمن صورتنده اولان منافقلر حقندهدر ، بونکه مخاطب اولان آنلردر . بعضلری ده دیورکه : بو آیتله مخاطب اولانلر اهل کتابک مؤمنلری در ؛ یعنی کتب سماویہ نک بعضسنه ، مثلاً : جناب پیغمبر افندیمره ، قرآن کریمه ، حضرت موسایله توراته ، عزیر علیه السلامه ایمان ایدوبده دیگرلرینه ایمان ایتہ یئلر حقنده نازل اولمش در . بعضلری ده دیورکه بو آیتک معناسی : ای مؤمنلر ! ایمانکزده ثبات ایدک ؛ دیمکدر . بوندن بشقه فکرلرده بولنانلرده وارددرکه جمله سی ده بزم قولری تأیید ایدیور ، دیمککه بو آیت ده لہکزه دکل ، علیکزه حجتدر .

بشنجی آیتہ کلنجه : بو آیت کریمہ دهده سزک مدعا کزی اثبات ایدہ جک برشی یوقدر . حتی « بالذی بین یدیہ » نظم جلیلندن مراد ، کتب متقدمه در ؛ دیسه کینه مدعا کز ثابت اولاماز . چونکه کافرلرک ایمانی ترک ایتلرینک سببی قرآن کریمک دعوتی در ؛ یعنی اونلر دیمک ایستیورلرکه : یا محمد ! بز ، جناب حق طرفندن در ، دیه کتیرمش اولدینک کتابه ، کذاک سندن اول ینه جناب حق طرفندن سائر پیغمبرلره کوندرلدیکنی ادعا ایتدیکک کتب سائرہیه قطعیا ایمان ایتہ یز . یک اعلا ! شمدی بونک زه سی دلالت ایدیورکه : اهل مکہ بذاتهما تورات ایلہ انجیلی بیلورلر ، اونلری اوقویوب اوقوتیورلر . دی . نه حاجت ! اهل مکہ ، حتی بتون عرب امی ایدیلر ؛ بر روايته کوره ایلچرلنده آلتی کشیدن فضله یازی بیلن کیمسه یوق ایدی .

بونکه برابر « ولا بالذی بین یدیہ » نظم جلیلنی یوم قیامت ایلہ ، اوراده کی ثواب وعقابہ دائر تلاوت ایدیلن شیلر ایلہ تفسیر ایدنلرده واردر ، که الله اعلم اظهر اولانده بوروايت اولسه کرکدر .

برده التنجی آتی کوزدن کچیرم : عزیزم - کوجنمیه سکز اما - بونی بوراده سویلدیککز کی صاقین بشقه بریرده سویله میکز . چونکه دهآ آتی طوغری اوقومیورسکز ؛ اگر بیلهرکدن یاییورسه کز - که بوکا قطعیا احتمال ویرمیورم - آتی تحریف ایدیورسکز دیمکدر . اگر بیلمیه رک یاییورسه کز آیتک فصل اولدیغندن خبرکز یوقدر .

آیت شویله اولاجق : « قل فأتوا بکتاب من عندالله هوا هدی منها اتباعه ان کنتم صادقین »

بوراده کی منها ضمیری اویلہ سزک ظن ایتدیککز کی انجیل ایلہ قرآنہ دکل ، بلکه قرآن ایلہ توراته راجعدر . چونکه ماقبلنده اولان شو آیت کریمه بورایه دلالت ایتکدهدر . « ولولا ان تصیهم مصیبه بما قدمت ایدیهم فبقولوا ربنا لولا ارسلت الینا رسولاً فنتبع آیاتک ونکون من المؤمنین . فلما جاءهم الحق من عندنا قالوا لولا اوتی مثل ما اوتی موسی اولم یکفروا بما اوتی موسی من قبل قالوا سحران تظاهرا وقالوا انا بکل کافرون » .

بو آیتلر مکابرین ، معاندین اوزرینه حجت وبرهان قاطعدر ؛ بو آیتلرده قرآن ایلہ توراتک هر خصوصده مساوی اولدقلرینه دلالت ایدہ جک برشی یوقدر . چونکه مشرکینک جناب حق طرفندن حضرت موسایله حضرت محمدک کتیرمش اولدقلری کتابدن دهآ طوغری بر کتاب کتیرمکدن عاجز اولملری حضرت موسایله جناب پیغمبرک طرف آلهیدن کتیرمش اولدقلری کتابک یکدیگرینه مساواتی اقتضا ایتز . بونی سکا بر مثال ایلہ ایضاح ایدیم : علم منطقی بیلیمه یں ، علمای منطقہ ، منطق کتابلرینه طعن وتشنیع ایدن بر کیمسه یه « بکا بر کتاب تألیف ایت ! فقط ، تألیف ایدہ جکک کتاب هر حالده (ایساغوجی ایلہ ، بصائرالنصیریه) دن آبی اولسون » دینلسه ؛ شمدی بوسوز ایکی کتابک - ایساغوجی ایلہ بصائرالنصیریه - هر جهندن یکدیگرینه مساوی اولدیغنه دلالت ایدرمی ؟ طبیعی درکه ایتز . ایشته مشرکینه تورات ایلہ قرآن دن دهآ آبی بر کتاب کتیرکده سزک مدعا کزک طوغری اولدیغنی بیلیم دینلمسی ده بو قبیلدن در .

یدنجی آیتہ کلنجه : بورادهده آیتک یاریسنی برادیککز . بز آنی ده اوقویهم : « ثم يتولون من بعد ذلك وما اولئک بالمؤمنین » بوده سزک سویله مش اولدیغکز شیه دلالت ایتز . سز دیورسکزرکه : بو آیت ، توراتک صحیح ، سالم اولدیغنه ؛ آنک ایچندهده حکم الہی بولندیغنه ... ! « دلالت ایدیور . بنده ادعا ایدیورمکه بو آیتک قطعیا اورایه دلالتی یوقدر . زیرا آیت ، یهودیلرک حالندن تعجب مقامنده وارد اولمش در . یهودیلر جناب پیغمبرک نبوتی تصدیق ایتدکری حالده بعض ایشلرلنده پیغمبریمزی حکم یایمق ایستیورلردی . مثلاً کندی اشرافلرندن بریسی زنا ایتدیکی زمان حضرت پیغمبری حکم یایمق ایسته دیلر ؛ دیدیلرکه اگر محمد ، (صلی الله علیه وسلم) « جلدہ » یعنی زانی به سکسان دکنک وورلسی ایلہ حکم ایدرسه حکمنی قبول ایدهرز ، رحم ایلہ حکم ایدرسه قبول ایتہ یز .

حال بوکه زانی به ویریلہ جک حکم کندی کتابلری اولان تورانده منصوص ایدی ؛ فقط آنلر اسهل و اخف اولان حکمه اتباع ایتک ایستیورلردی . ایشته بو آیت کریمه ایلہ کندی دینلرینه ، کندی کتابلرینه - که الله طرفندن اولوب ایچنده حکم الہی اولدیغنی ، بشقه کتابه احتیاجلری اولدیغنی ادعا ایدیورلردی - اعتماد ایتہ یهرک بشقه بر شریعت صاحبک حکمنی

طلب ایتمه لرینه ، برده کندی کتابلرنده منصوص اولان حکم شدیدده موافق کلدیکی تقدیرده حکمنی طلب ایتدکلی کیمسه نك ویره جکی حکمه ده راضی اولیه جقلرینه تعجب اولنیور . بونک ایچون درکه پیغمبر افندیزی حکم قیلمالرینه دائر استفهام تعجب دن صوکره « ثم يتولون من بعد ذلك ... » بویورلیور . یعنی جناب حق بویوریورکه : یهودیلرک کندی کتابلرینه اولان ایمانلری صحیح دکلدر ؛ زیرا اولان آندن اعراض ایدرک سنی حکم اتخاذ ایتک ایسته دیلر ؛ بالاخره کتابلرنده اولان حکمه موافق کلدیکی ایچون سنک حکمکدن ده اعراض ایتدیلر ، مادامکه بزم ائزده تورات وار ، بشقه کتابه احتیاجز یوق دیورلر ؛ سنی نیچون حکم یاییورلر ؟ تورات ایله حکم ایتسه لریا ! مع مافیه شوراسنی بیلمکز لازمدرکه : برکتابده حکم آلهی نك ، یاخود احکام متعدده نك بولندیغنی سونلک تکمیل او کتابک تحریفدن صحیح وسالم اولارق جناب حق طرفندن منزل اولان شیلرک هپسنی مشتمل اولدیغنی اقتضا ایتز . مثلاً بن دیرمکه فلان کتابده حکم آلهی واردر . فقط بوسوزمله او کتابده اولان حکمک هپسنک حکم آلهی اولوب تحریفدن سالم اولدیغنی ، بشقه کتابلره احتیاج اولدیغنی اعتقاد ایتهم . بلکه او کتابده حکم آلهی اولدیغنی کبی دیگر بر طاقم کیمسه لرک افکار و آراسی ، صحتی معلوم اولیان نقللر اولدیغنی ، بناء علیه دیگر کتابلره ده محتاج اولدیغنی اعتقاد ایتش اولورم .

ذهنکزه یرلشن شبهه لرک طوغریلغنی اثبات ایتک ایچون مقام استدلالده ایراد ایتش اولدیغکز آیتلر بوصورتله ایضاح ایدلدکدن صوکره خلاصه اولارق دیرمکه : بوکون الله متداول اولان تورات ایله انجیل ، قرآن کریمده مذکور اولان تورات ایله انجیل دکلدر ؛ بونلرک هپسیده برطاقم انسانلر طرفندن یازلش کنیسا تاریخلری ، میتولوژیا کتابلریدر . مسلمانلرک ایمان ایتلری لازم اولان تورات ایله انجیل بونلر دکل ، بلکه جناب حق طرفندن منزل اولان احکام و نصایحدر .

اقسه کیلی

« مصاحبه مرتبه دی »

احمد حمیدی

جینک هاله ، فکرك حجله بدر تجلادر ،
یوزك مرأت رحمت ، معكس انظار مولادر ،
کوزكده عكس سوزان جال الله ییدادر ،
سوزكده بیك حقیقت ، جوهر حکمت هویدادر .
نیلر سایه زارنده تقدم آیه یه سن سك ،
سرود عشق معبودی ترنم آیه یه سن سك .

تأثیراب اولورکن قلب سبحانی ملالکدن ،
ناصیل رقت گه تیرمز اُك کوچوک بر ابتهالکدن ؟
شفیع عاصیان قیلمش سنی لطف وکالکدن ،
خروشاندر مروت ، عاطفت قعر مقالکدن .
بوتون الطاف مولادن تنم آیه یه سن سك ،
بهشت حول وصلتده تنم آیه یه سن سك .

سنی ملجاء طوتان امید وایماننده آلدانماز ،
قاییکدن آیریلوبده باشقه بردرگاهه باغلاماز ؛
مقدس نامگی یاد آیه یه سن بر باشقا اسم آکماز ،
سنی ترتیل ایدهن دارالجزاده شبهه سز یانماز ؛
بزمچون نار دوزخدن تظلم آیه یه سن سك ،
بکای یأس و خسرانه تحکم آیه یه سن سك .

شفیع ، دستکیرم سک ، پناهیم سک ، معینم سک ؛
امیدم ، مطلبم ، عالمده مقصود کزینم سک ؛
بنم درمان دردم ، چاره بخشای اینیم سک ؛
شفاعتدن بنی دور ایتمه ، سلطان مینیم سک ؛
غریبانک فغانندن تالم آیه یه سن سك ،
باقوب ارباب عصیان ترحم آیه یه سن سك .

اونیه : ضیا بهلول

اهل صلیب مظالمی

الراج انتباه :

بلغار بویوندوروغی

بلغارلرک، سبیل الرشاد ایله نشر ایدلمکده اولان، فایعنه بوکونده دوام ایدیورز :
بلغارلر سیروزه کیردکلی کون صباحلین بر بلدییه هیئی تشکیل ایتدیلر . اوکون بلدییه هیئی اجتماع ایتدی ؛ بلغار قوماندانک تکلیفی اوزرینه درت دانه قومیسون تشکیل اولوندی که شونلردر :

الکِبَیَّاتُ

تبجیل رسول

— اونبی ذی شانه : —

سن ای نور آلهی جوش عمان الوهیت ،
سنک فیضکله قیمت بولدی آنجاق خاک سفلیت ؛
او رتبه موقعک پیوسته عرش ربوبیت
که ، اجلالنده کی علوتی قابل ده کیل رؤیت .
جهان سرمدیتده تجسم آیه یه سن سك ،
حضور حقه بی پروا تکلم آیه یه سن سك .